

蘇州潘慎明

澄候

承剛

捐贈

丹溪心法

并附餘

亥 22

2-2

共16冊

邵武原板丹
溪心法附餘

此杏林第一書也。原係本堂刊行。但舊板潦草。幾煩良相
之手。而字跡外蒙。尚費洞垣之。日用是鳩工。繕茲鳩集。務
新丹溪之全觀。寧惜洛紙之浩繁。鋟者既以壽世之念。而
公世購者當以重生之秘。而重價。福建多文堂梓行。

丹溪心法附餘序

竊惟人之有生負陰抱陽而形神爰發故其爲情不能無感如喜怒之動於中寒暑之盪於外是以痼瘵攸萌而夭昏凶扎之患所不免也粵自上古軒岐首出巫彭繼起內經作而醫道興矣迨至中古代有其人而醫道以傳秦漢以還下及近代若張長沙李東垣劉河間朱丹溪之四子者皆深於醫而各極其聖者也其所著方書口義傳布既久不能無舛而世之庸士徃徃昧此而不知變膠固拘泥藥罔奏功遂使微言奧義與失其真毫釐之差千里之謬貽患可勝

言哉予以多病懇乞

賜休林下暇日檢方亦竊疑之於是遠延方君過穎因
出所次用溪心法附餘凡二十四卷相與訂之夫方
君名廣字約之古菴其號新安儒醫也嘗遊河洛旅
寓陳留野亭劉公亦雅重之恒以藥活人乃謂是書
超邁群識尤切日用雖經楊楚王輩再纂而不能備
集脉訣之詳程用光氏翻刻而不能盡芟附錄之誤
於是重加櫟括訛者正之僞者去之且萃諸君子方
論於下精切簡要不畔古經銓次成帙間亦竊附已
意以發明之嗚呼三皇之書古稱墳典所謂內經乃

其一焉實與周易分庭抗禮柰何人自易之目爲末
技則其道安得與典並傳哉方君沉潛古典有年矣
惟是書之成幾易星霜而於藥脉證治分演詳明論
著切當有識之士謂真有補於丹溪不惑乎後學矣
功亦偉哉吾省大方伯姚陳二公見而喜之因命工
鐫梓以嘉惠人人甚盛心也方懇請爲序遂書此刻
諸卷端外有地理書藥性書傷寒書若干卷亦君手
自爲之欲同惠諸人而未果者茲固不贅及云

嘉靖十五年歲丙申秋七月朔旦

特進光祿大夫柱國少保兼

太子太保禮部尚書

武英殿大學士知

制誥同知

經筵

國史總裁致仕臨潁賈諫書于南塢草堂之暇

丹溪心法附餘序

昔予母年艾時以家事繁冗不暇啜粥惟飲冷物以致內傷脾胃遍身發出赤斑是時天庖瘡傳染與斑相類醫之者多不能辯遽然而卒罔覺其咎蓋斑無頭粒瘡有頭粒易分別而不知爾厥後葬母不得已而與鄰人訟三載始白旣而感激乃志於學讀書之餘恒取醫書丹溪心法覽之見其所謂飲食內傷脾胃發出赤斑之論乃喟然悲嘆其前病果誤於醫者正程夫子所謂病卧於牀委之庸醫譬之不孝者也終天之恨曷有窮耶由是心之於醫若口之於芻豢

不能釋也竊惟斯道肇自軒岐迄漢而下代不乏賢
求其可以爲萬世法者張長沙外感李東垣內傷劉
河間熱證朱丹溪雜病數者而已然而丹溪實又貫
通乎諸君子尤號集醫道之大成者也先生旣沒而
其遺書則有丹溪心法傳于世蓋其術至精故其爲
言至切寔保命之良規濟人之妙訣也惜乎是書詳
於法而猶略於方袖珍等書則又詳於方而略於法
皆不便揜閱時祥符鄭尚宜張汝孝輩亦達於醫者
也以予言爲然予於是乃將心法去訛而畱正刪繁
而就簡選爲一書凡五年餘始脫藁不數月間梓成

名之曰丹溪心法附餘其間病目分之以門藥方別之以類每證之下先具心法後附群方俾法不離乎方方不離乎法又取丹溪本草衍義補遺及崔真人脉訣舉要王節齋明醫雜著附載于中而於醫之藥性脉理病機治法經絡運氣六者粗備其正誤補闕以俟後之君子然初學之士與養生之家或有取焉庶乎得醫道之正而不爲他岐之惑誕妄之罪固知無所逃矣謹序

嘉靖十五年丙申春三月穀旦新安後學方廣序

序

卷之七

立書本旨

予觀得醫道之全者丹溪一人發丹溪之蘊者心法一書然其書自程用光重訂之後若無餘憾第附錄不盡削去而與正法矛盾焉丹溪纂要醫學集成雖能備丹溪群書然因心法混淆而采取亦不免於差謬蓋丹溪群書其門人戴元禮趙以德劉叔淵已采載於丹溪心法之上矣而纂要集成二書又是將丹溪群書翻謄一次今以百年之後追想其人之言何若親炙領教之爲的哉王機微義蒐輯群書條陳潔白爲醫書之折衷惜乎丹溪心法而不得與焉袖珍方乾坤生意保生餘錄等書雖備群方然其間有一等用藥辛香燥熱與夫暝眩之劑寔非氣血虛者所宜乎因此而留心焉今除

玉機微義一書不煩之外謹將丹溪心法除去附錄止以正法正方具于前群書惟取切合病情之劑附于後處分臚列集為一書名曰丹溪心法附餘將与玉機微義同驅並駕于世而醫之方庶幾乎備矣觀者詳焉

例

一病目謹依丹溪心法之舊凡有增入者註新增二字以別之其間以門而分者庶見病機之同也

一各證首具丹溪正法正方依程用光考索精確為醫門萬世之規矩準繩者也

附諸賢論庶見病之源流治之方法也不能悉載其間有闕者君子宜於玉機微義求之

附脉理庶知病之陰陽表裏虛實寒熱之情也亦不能悉最其間有闕者宜於脉經脉訣求之

一附諸方以輔丹溪所不及其間以類而聚者庶見治法之異也然方書汗牛充棟不勝其多姑取不違於理者列載于上以待君子采擇焉

一王節齋明醫雜著方論取附于各證之下蓋節齋深得丹溪之旨故備載以俟參考焉

一病證欠發明處藥方有疑難處予綴俗說以通之有廣按二字別之倘有差謬後之君子幸賜教焉

一丹溪本草衍義補遺雖另成一書然陝板蜀板閩板丹溪心法咸載之程用光重訂丹溪心法而徽板乃削去之反

不為美今仍取載書旨使人獲見丹溪用藥之旨也

門類目錄

外感門

中風

傷風

中寒

傷寒

中暑

中濕

瘟疫

內傷門

內傷

傷食

調補脾胃

風門

破傷風

冒風

痛風

痺

癘風

寒門

咳嗽

霍亂

暑門

瘧

痢

濕門

痞

泄瀉

濕熱門

吞酸

疽

水腫

鼓脹

赤白濁

痰門

痰

哮喘

喘

惡心

嘔吐

欬逆

翻胃

嘈雜

閉格

癰氣

痰熱門

瘰

癰

顛狂

驚悸怔忡

健忘

經喉風喉痺

火門

火

吐血

咳血

嘔血

咯血

衄血

溺血

下血

腸風臟毒

痔瘡

漏瘡

脫肛

淋

小便不通

小便不禁

夢遺

風熱門

癰疹

頭眩

頭痛

頭風

眼目

耳聾

鼻病

口舌

牙齒

燥門

消渴

燥結

鬱門

六鬱

氣滯

寒鬱門

心脾痛

腹痛

火鬱門

脇痛

跌撲損傷

疥瘡

癰疽

疔瘰

諸瘡

濕鬱門

腰痛

疝痛

脚氣

積門

積聚痞塊